

六十頌如理論

龍樹菩薩造
蔣揚仁欽由藏譯漢

梵文：YU-KA-DRIS-TA-KA-RI-KA-NA-MA
敬禮妙音童子！

為應以何法，能斷諸生滅，敬禮釋迦尊，宣說緣起義。
何者由慧故，無住滅離相，如是緣起義，甚深証無得。
若遮法無性，諸過失根本，今以何正理，遮除亦相等。
如稚者分別，法成實有性；無性故解脫，云何不承許。
由有不得脫，無不出三有，遍知有無事，大士當解脫。
未見真實性，慢執世涅槃，諸見真實者，不執世涅槃。
生死與解脫，二者皆非有；若了知生死，我說即涅槃。
於法生已壞，假名之為滅，如是諸善士，亦許如幻破。
若壞有所滅，非遍知有為，何者成現起，如何說証滅。
諸蘊若未滅，惱盡莫能脫，何時蘊盡除，彼即得解脫。
淨智悟見後，無明緣所生，無論生與滅，眾法皆不得。
見法實義已，能滅一切苦，若悟法性後，於此有差別。
事物微妙性，由因而觀察，無有善巧故，不見緣起義。
盡煩惱比丘，若能脫苦海，為何釋迦尊，不說此道行。
若有行必成，遍執一切見，一切皆緣起，何有前後際。
云何前已生，彼後復變滅，遠離前後際，見情如幻化。
何時幻像生，何時當成滅，知幻非無明，離知幻則有。
生如陽燄幻，意若知其義，前際或後際，見中則無染。
若誰於有為，計實有生滅，彼等即不知，緣起輪所現。
若依彼彼生，即自性不生，若自性不生，云何得名生。
因盡而寂靜，此乃盡之義；自性則無盡，盡名云何立。
無少法可生，無少法可滅，生起及滅道，為應而宣說。
知生故知滅，知滅故無常，由知無常性，亦能知正法。
諸了知緣起，遠離於生滅，彼成就淨見，即達彼岸者。
異生對事法，有無顛倒執，患故隨惱轉，自心受欺染。
事法善巧者，無常欺誑性，苦空及無我，是見寂滅相。
無住無所緣，無根亦無處，皆由無明生，斷除為中道。
如芭蕉無實，如乾撻婆城，癡闇永無盡，見此如幻現。
梵等與世間，所見極真實，大聖說彼妄，除彼豈有餘。
世間痴闇覆，隨有續流轉，聖者離諸愛，善士何能等？
於求實性者，初說諸法有，知義離斷貪，後寂靜滅相。
不知離相義，隨聞即有著，此非集福業，凡愚令消損。
說諸業果有，有情無謬說，若了遍體性，亦顯示無生。
依此殊勝理，佛說我我所、蘊處界等法，皆隨眾生器。

宣說大種事，皆是識所攝，彼離智所見，豈非皆顛倒。○
若諸佛宣說，唯涅槃作實，爾時如是於此，誰言餘非倒。○
若心有覺，無明者緣即勝一切後我許，猶決定無從無散惑見中，慧者不執，亦心集。○
若無明具實，又緣起法生事見，知邪妄本器所住，想貪著，現即自願。○
若何者說依此不許法，因誰為諸獲諸如諸凡執邪有若此。○